

Ose. 13.

wörtlein / Perditio, wie aus dem Spruch Ose. 13. zu sehen: Perditio tua Israel: ex me autem salus tua: **D** Israel / du bringest dich selbst in verderben / dein **D**eyl stehet allein bey mir. Freylich ist der liebe Gott vnser Heyl / wider die verderbte Natur / vnd angeborne unreinigkeit: Vnser Heyl wider das Gift der Sünden / welche er außgerottet / in die Tieffe des Meers geworffen / vnd versiegelt hat / Esai. 43. Mich. 7. Dan. 9. Vnser Heyl wider den feuerbrennenden Zorn Gottes / welchen Jesus gestillet / Esai. 27. 54. Vnser Heyl wegen der neuen Wiedergeburt / Johan. 3. Vnser Heyl wegen der Erleuchtung / Lebendigmachung durch den heiligen Geist: Vnser Heyl wegen des Himlischen Segens: Vnser Heyl wegen vnser Auferstehung: Vnser Heyl wegen der restitution aller dinge am jüngsten Tage / da Gott alles in allen seyn wird / Da er das verdorbene wider gut machen / vnd das zerbrochene gantz machen wird: Da er das verwundte von grund aus wird heilen / das tode lebendig machen / das verlohrene wieder finden / vnd das verfluchte segnen.

Esai. 43.

Mich. 7.

Dan. 9.

Esai. 27. 54.

Johan. 3.

Psal. 27.

Drumb sollen wir vns in allen Nöthen / vnd Gefahr getrost drauff verlassen / trotzen / vnd bawen / vnd mit dem Könige David beten aus dem 27. Psalm: **D**er **D**e **x** **x** ist mein Licht / vnd mein **D**eyl: vor wem solt ich mich fürchten / Der **D**e **x** **x** ist meines Lebens Krafft / vor wem solt mir grauen? Darumb so die Bösen meine Widersacher / vnd Feinde an mich wollen / mein Fleisch zu fressen / müssen sie anlauffen / vnd fallen / Wenn sich schon ein

Deer

